

is vineis: sicut non multis abhinc annis Basilius Moscorum princeps fecit, interdicto usu cerevisia propter eandem causam. Ideoque fingitur Lycurgus (teste Plutarcho) contemptor et hostis Bacchi.

BACCHÆ, SATYRIQUE,] Ebrietatem comitatur Bacchi eoque quoque libido et insania: hac de causa Satyri et Bacchæ finguntur esse comites ipsius Bacchi, non aliter atque Lynces, Tigres, et Pantheræ. Satyri enim perhibentur esse adeo salaces, ut motus seu pruritus libidinis vulgo Satyrismus dicatur: Et constat Bacchas fuisse mulieres furore correptas.

DECRETI, QVAM] De hac fabula Diodorus Siculus scribit in hanc sententiam: Esse iuxta Ascalonem civitatem Syriae stagnum piscibus plenum, ac prope stagnum insigne templum deæ Decretidis, eiusque simulachrum sic effectum esse, ut referat facie mulierem, reliqua parte corporis piscem: Huius verò fabulæ hanc narrari causam; nempe Venerem aliquando obviam deæ factam, accendisse eam amore formosi adolescentis sibi sacrificantis, atque ex eorum concubitu filiam natam esse; Deam sui erroris pudore ductam, amovisse adolescentem, et exposuisse filiam in loco deserto et saxoso, se verò pudore et dolore compulsam abiectam in stagnum, atque ibi in piscem esse conversam: Hanc ob causam et Syrios abstinere piscibus illius stagni, ut qui pro diis habeantur. Hæc Diodorus: ex quibus manifestum est, esse illam Ascalonitarum deam, quæ in sacris litteris Dagon appellatur. Nam et divus Hieronymus asserit, Dagon dici piscem maroris. Eadem dicta est Atet-gatis lingua Syriaca, quasi sine piscibus, ut Athenæus auctor est, propterea quod abstinentiâ piscium colebatur.

AN MAGIS VT] Semiramis Assyriorum regina, Semiramis fertur nutrita à columbis, unde et Syriaca lingua nomen nutrita à columbis. Semiramidis, hoc est, columba ei inditum fuit. Nam cum esset à matre exposita in loco deserto (ut idem Diodorus scribit) columba infantem alis confoverunt, et coagulato Columba lacte ex pastorum mapaliis surrepto, nutriverunt: in cuius insigne. rei memoriam, Babylonii columba, ut Romani aquila, usi sunt orum.